

**Oqaasiliortut Ataatsimiinnissaat  
Tallimangornermi aggustip 20-anni 2010  
Ilimmarfimmi Oqaasileriffiup ataatsimiittarfiani.**

Peqataasussat: Carl Chr. Olsen, Stephen Heilmann, Eva Møller Thomassen, .  
amma Ellen J. Karlsen

Abia Abelsen peqataasinnaanani nalunaarpoq.

Allatsi: Katti Frederiksen

**Oqaluuserisassatut siunnersuutit:**

1. Tikilluaqqusineq

2. Kingullermik imaqarniliap akuerineqarnera – taamaatillugu akuerineqarpoq.

3. cement, beton amma elevator (15.juni 2010)

Oqaasiliortut taamatut kalaallisut taaguutinik siunnersuuteqartoqarluni saaffiginnittoqarneranut qujapput, taamaattorli tamanut atuuttussanik taaguutinik Sanaartornermi Ilinniarfimmi ilinniartitsisut ilinniartullu ulluinnarni taaguutinik atuisut peqatigalugit suliarineqarnissaat soqutigalugu saaffiginnissutip imarisaaniittut taaguutit ilanngullugit suliassaminnut ilannguppaat aallartitsissutigineqarsinnaalluarmata.

Suliassami matumani pingaartinneqarpoq suliassanik paasisimasalinnik suleqateqarluni ingerlatsinissaq, nikingasumillu atuineq pinaveersaarniarlugu, 'torrutiinnakkanik' oqaasertaliiniaannarluniluunniit pisoqannginnissaa tassani siunertarineqarpoq. Oqaasileriffimmiillu sukumiisumik passunneqarnissaat, ilaatigut sanasutoqqat amma suleqatiserlugit, Oqaasileriffimmiit suliassaq ataqatigiissarneqarumaarpoq.

4. Qajaq amma qajariaq (30.juni 2010)

Oqaasiliortut isumaqarput qajariaq tassaannerusoq qajaq, qaamigut ameqanngitsoq, paaqanngitsoq, aammali paateqarani anguutaannalik, taannalu amma kano-sinnaavoq, kisianni taakkua qaannat plastikkiusut tassaatippaat **qallunaat qajaat**, taamatullu taagorneqartussatut Oqaasiliortunit siunniunneqarluni.

Taamaattumik naatsumik oqaatigalugu qaannanut plastikkiusunut taaguummik *qajarissamik* atuineq qallunaat qajaannik taarserneqartussangussalluni.


Ilanngullugit eqqartorneqartut makkuupput:

Umiaq – amermik amilik

---

**Oqaasileriffik – Sprogsekretariatet**

Postboks 980, DK-3900 Nuuk, Kalaallit Nunaat, +299 362320, +299 327342 fax), e-mail: [oqaasileriffik@nanoq.gl](mailto:oqaasileriffik@nanoq.gl),  
[www.oqaasileriffik.gl](http://www.oqaasileriffik.gl)



Umiariaq – ungasissumut angallatissiaanngitsoq anguutilik, ass. umiarluk.

5. Det Grønlandske Kriminalpræventive Råd (19.juli 2010)

Oqaasiliortut aalajangiuppaat qulaaniittoq taaguut kalaallisut ima taaguuteqassasoq:

**[Kalaallit Nunaanni] Pinerlutsaaliuinnermut Siunnersuisoqatigiit.**

Kalaallisut allaqqareermat pisariaqartinneqanngilaq Kalaallit Nunaanni immikkut taaguummi allassimanissaa, taamaattumillu ungaluutini kipparissuniinnaq allaqqalluni.

6. Superbruger, database aamma webmail (21.juli 2010)

Database katersanik ilaatigut taagorneqartartoq atuuffia/imarisaa apeqqutaatillugu aamma matumani atorneqarsinnaanissaa siunnersuutigineqassaaq. Webmail e-mailimik aammali ulluinnarni atuneq malillugu mailimik taaneqartarsinnaasoq Oqaasiliortut akuerereernikuuaat. Superbrugermulli tunngatillugu saaffiginnittoq aperineqassaaq taassuma sorpiaat imarineraat.

7. fællesmøde (22.juli 2010) – **ataatsimeeqatigiinneq**

8. komfur (28.juli 2010) – **kissarsuut**

Ilanngullugit aamma eqqaaneqarput kogeplade tassaasoq uunnaavik, kiisalu mikrobølgeovn kalaallisut ima taaneqartartoq: **kissaagasuartitsivik**

9. Sanaartornermi taaguutit – takuuk oqaluuserisami nr.3.

10. Allat

Inussiarnersumik inuulluaqqusilluta  
Carl Chr. Olsen  
Siulittaasoq

Katti Frederiksen  
Allatsi